

tsut kukweldhut tei, ei zzehkwilyei rseyetkoogwischiltsei kwu tsut, ei yoo Jisus Kreist nitinidhut tle tigwitizyik, nukwichochik nekwazzi ttrin chitsutte-tsinethei zyunkwilih; ei kwinyoo, nukwichochik ttankthut tinili kit chotyin un tsut vunchuthnukozukdhityinchotyin, Daniel kuttugwitang kwiyetshigikhe kwikit. Joudaianut, khe kitti kthoikit, kwu tsut negichithichil tle, kakwedha enekwidichit Persia kekwadhutchohnut zug tunginchyo, ako kwittle Suria kekwadhutchohnut tug tunginchyo. Kunutrutatul nithlinetsi kwu tsut kookwunachut kwirzikitlit tunginchyo; ei khuiko, ako kwiyendo tsut undeikwichanchyo, Antiokus kekwadhutchoh vutsun kwilih, uttun Jerousalem Zzehrsikotitinyoo uanchik ako kwu tsut kwirzo tettiin, ako khuinjikwuachi ha Joudaianut tsut rsyoonja tettin ko tunutrunatli akhezyunkookotitenja kenjit, nittso Makkabees kwunduk kwitinyithutluth kwiz zit kookwudhun trikwunahyin. Uttun nili Mattathias, ako Joudaianut lyei unakuk, thlukwinadhun nikha koo-gweltsei ko tunutrunatli ako kwiyikwinji kutrutunahtya kenjit. Kwitugtigwichichyo lyei khugoo-gwetäei Joudas Makkabäus ako Jonathan, ehthletsut Mattathias vit tinji, ko yinjikwichinttluth ako truneä kirkhe. Ko kwiyikwinji chun khunugoo-gwitäei tei, ako ko tunutrunatli tigwittiyin chun kuttukookwuschiltshei, atteinjiahtsinut kwut sut kuttrookwadhut zug nizhook tunginchyo, einut Joudas ako Jonathan tekit zyungettiin, ako kekwadhutchohnut kit trorzi tekookwelnjik. Chihnut Asmo-neannut kotrahnnyoo zyungilih. Kwitchid, Joudaianut Romannut kuttukwitadhut zug kwiyigelchik, kuttetun Herod Joudaia kekwadhutchoh geltsei; ako chih Herod uttun nili kwu tsut kukweldhut Jisus Kreist nunh kug nittinidhut tei.